

設應

善乃圖難於易為大於小先用賞後用刑此用兵之妙也師徒已列戎騎交馳強弩纒臨短兵又接乘威布信敵人告降此用兵之能也身衝矢石爭勝相對成敗各分彼傷我死此用兵之下也

便利

夫草木叢集利以遊逸重塞山林利以不意晴明無隱利以勇力隘途深草利以潛伏以少擊眾利以日暮以眾擊寡利以清晨強弩長兵利以捷次踰淵隔水大風暗昧利以搏前擒後也

應機

夫必勝之術合變之形在於機也非智者孰能與於此乎見機之道莫大於不意故猛虎失隊童子曳戟而追之蜂蠆入袖壯夫恟惶而失色以其禍出不圖變速非慮也

揣能

古之善用兵者揣其能而料其勝負主孰聖也將孰賢也吏孰能也糧餉孰豐也士卒孰練也軍容孰整也戎馬孰逸也形勢孰險也賓客孰智也鄰國孰懼也財貨孰多也百姓孰安也由

輕戰

螫虫之觸負其毒也戰士能勇恃其備也所以鋒銳甲堅則人

道藏輯要

忠武侯集
心書

三

星集三
川八八